

近代中國史料叢刊第九十五輯
沈雲龍主編

島居遺稿
葉泰椿著


文海出版社
有限公司印行

Wt 224/170

中華民國六十二年八月影印初版

近代中國史料叢刊 第九十五輯

精裝：十冊
定價：新台



主編者：沈

雲 龍

發行人：李

振 華

出版者：文海出版社有限公司

臺北縣永和鎮中興街99巷8號

郵政劃撥戶第二七八四號

電話：九二二六五九號

印刷者：金氏印刷有限公司

臺北市長安東路二段66號

經銷者：全省各大書局


本公司經內政部核准登記證為內版台業字第〇八〇〇號

己巳冬月

島居遺稿

莊史署





1 B
948-950

島居遺稿序

甯愚歿後有遺稿一本破毀殘缺又塗改模糊字句多不可辨識潛樓得之莫能爲役屬其子姪挈以付予予初亦莫能讀在甯愚本無存其文采之心故潦草如是然其忠亮之節聽其淹於風露亦後死者所不忍也乃審視其漫漶點汙綴緝其竄損爲之重寫編次并舊所贈入之得詩八十六首文九首各爲一卷曰島居遺稿紀所得也甯愚自國變後隨潛樓居青島以醫自活妻子偶追至尋遣之奔走復辟無一日或忘與潛樓爲性命之依讀其詩知其志觀其文

島居遺稿序

一

知其學考其行知其人予之爲是豈惓惓不沒其友
采之思哉嗚呼樾波死其詩稿蕪雜叢亂一如甯愚
予爲之檢次成帙序而付諸其子至今猶未能出公
閤死有詩一卷流棄於書估攤退廬得之以問予乃
知其人予錄存數首序而歸退廬藏之退廬死復不
知所在其序而出諸世者退廬全書外則廬舍人集
臨川鞠農崇仁持庵之集因屬予之門人潛樓之子
叔文寫正而序存之惟公閤長於予餘皆少者悲夫
南昌魏元曠

島居遺稿卷一

武甯 葉泰椿 甯愚

古近體詩

題待渡圖贈斯逸

欲濟誠知舟楫難。滄桑須待轉頭看。煙波莫嘆前途暮。還祝風帆起謝安。

亂後建侯製巾贈行留別

請纓無路黃冠了。戴笠爲盟皂帽宜。珍重先生烏角意。松雲白首證心期。

十載彈冠願已違。簪裾傀儡昨原非。頭巾老與時妝

忤得否青山兀岸歸

歲暮次斯逸病起韻

天遣煙霞護燕居未黔墨突且迴車王風熄絕思尼
史秦火灰餘叩伏書鑄鼎那窮神物幻曆薪誰燭亂
生初津橋啼鳥春遲早一覺華山歲又除

戲詰建侯

槁佛驚傳出定新神君仙尉豈前因本宏菩薩慈悲
願可捨如來幻化身借枕邯鄲都戲術成丹勾漏自
天人未應土偶疑桃梗何地逃禪外劫塵

奉懷穆如先生。

飄零白髮鷓冠危。老去南雷尚乞師。灰死人心寒窘手。萬方一慨欲何之。

祝髮

捐軀無地頂爲磨。色相從他露電過。百劫尙餘皮骨在。摧殘應惜苦頭陀。
偷容殘息愧鬚眉。逃作枯禪願總癡。一段心情黃蘗苦。不關斷尾憚爲犧。

題劉伯紳雙松一石圖

木落巖枯萬象更。丈人猶有歲寒盟。爲憑尺澤通雲氣。來聽蒼龍作雨聲。

傾厦難支砥柱孤得完貞介亦真吾虛名底事陳秦
誤三品封階五大夫

窟宅煙霞友薜蘿陶觴米舫儘娑娑磨礪盤錯渾閑
事擺落林慚澗愧多

皮骨清寒劫火遺漸看堅瘦亦支離東園草沒南山
研填海參天可有期

題野中尉氏放牛圖

尉氏德人以丑
生野中日本人

偶隨紫氣度函關細草南山雨露安一飭功成秦百
里未須縱火艷田單

邱山犀首重威名壯志爲犧氣尙橫鞭弭乍收還牧

圍都從鬪虎識餘生

鼻繩袖手兩忘機。刀劍今爲買犢資。但使萊蕪能作
牧。文犀安取貢黃支。

青莎一笛晚晴風。相奪蹊田事總空。邇解任人呼我
意。三千蒼兕那爭雄。

金陵愚園期所約不至用扶常韻

鈍帆望斷馬當風。借眼河山亦鏡中。劫外聽棋癡類
鶴。酒酣拔劍技屠龍。十年水木衰榮夢。百轉蓬沙瀟
蕩踪。淚灑江東王氣歇。夕陽寧爲鄧林紅。

次一山島上秋興韻

老客他鄉已自悲，窮陰直到九秋時。
潮生跋浪蛟氛惡，風勁隨陽雁路遲。
早合沃螢歸海若，卻因肥馬壯胡兒。
蓴鱸未遂仙槎杳，愁絕夔門杜老詩。

用前韻答扶常。

萬里書來喜復悲，亂離去住竟無時。
劫深春草燒難了，寒賸秋花落較遲。
結習未忘真我輩，物情相貫自羣兒。
山中教授河汾業，珍重匡衡且說詩。

挽黃子雅禮部

世亂悲久，生命葉隨風轉。忽聞君耗，
噩心惻淚仍泣。始因魏伯子臨風，屢稱善繼。借玉川游古貌，識京輦。

胸橫氣嶽嶽口作語蹇蹇
湘流弔慷慨易水餞
壯歲一青衿偶貢優行選
枝官蝨祠曹人棄獨俯俛
雖然魯廢禮教向蘇湖闡
勵志革頑傲帖坐噤無辯
大風吹揚塵閑雲亦流卷
苦昧計然術折閱一飽鮮
荒及寸田秋耕隱南山嘯
時有虻憐夔渺若龍視蜒
百年付甕壑但苦味道淺
文史恣跌宕邱園高偃蹇
狂俗走西鞦俠骨傲東籛
方以拙自存咄咄門蘭剪
頗疑天醜正理數互乖舛
由來伯牛疾初嬰亦疥癬
君樂立厭世藥治屏和扁
虛生不如死取舍信能辨
泥洹一路絕義不戀殘喘
萬期一須臾理亦足排遣

祇傷拔劍心長風願未展沈幾覩變定天道或迪顯
胡爲一朝忿瞑焉逝清沔矯首士林林險薄習滑軟
奧學與清節南州幾冠冕氣類孤如此復悼基楨殄
寧覩元兇殲一笑情靡繼不磨亦不滅偷活面有覲
熊熊文餘芒疊疊功實踐孰云馬不羈聖道獎狂狷
豕當要離伴風爲田疇衍銘君才鈍拙吟苦鬚斷撚
欲持蓋棺論封石付苔蘚瞻言有道碑將淚灑羊峴

題潛樓讀書圖

常言誤信書公乃信益篤中原六籍半塵汗載入驢
鞍家海曲傾金致客不能鼓博浪之椎泣血相明不

能麾秦庭之師半部治平事已古藜床無乃自苦爲
公言不拔存吾志填海移山非漫致還憑講易見天
心杜鵑落盡天興淚鯨波驀地起桃源石室銅山煙
雨昏黃巾猶惜鄭高密三徑荒寒松菊存樓頭風雨
有時息東海來歸究何日謂天蓋高呼莫聞漸臺何
以夷新室我聞孔業灰狂秦馬隊諸翁講肄新遼東
絃誦盡漸被石渠同異終披詢彌縫汲汲稟遺教儒
冠肯被田橫笑圯橋誠有興漢書天祿遺經儻重校

和一山咏雁

暮天荒影斷江洲鍛羽蘆中又幾秋辛苦風霜南北

共隨陽猶說稻梁謀

零落江湖尚主賓
湘絃贈繳那相因
生成孤介難爲
偶不向冥冥怨弋人

浮沈音羽印痕虛
嘹唳聲嘶侶漸疏
一陣未成風轉
急上林方阻北來書

雲霄目斷羽毛豐
渺渺前途萬里風
日影亂隨鴉陣
黑問天欲借字書空

酬扶常見贈用一山原韻

巍然爭座擁關中
雀乳逃蛇井未空
春耒秋絃閑自得
新縑故素織誰工
人才相馬羣空北
物望征鴻擬

祖東一卷行窩信安樂悲風鳴驥老心雄

送一山還滬上

百重心事獨登樓漫捲塵波入睡眸黃葉紙窗風雨
夜青燈孤枕海濤秋歸鴻去夢驚來燕舐犢餘情愧
老牛靈島路非深密處看君簫管到揚州

次王爵生侍郎韻

暮景通烏各擇栖海天風雪此鴻泥忘懷絲竹從嘲
罵引恨鶯花雜笑啼偶露縱橫書倒檜曲尋醉夢譜
雲梨登城日落遐思在愁對癯儒手縛雞
失羣窮鳥尚栖栖壯志窮甘付井泥百劫枯棋餘鶴

聽三春恨淚託鶻啼酒懷痛飲腸芒棘苦意安持面
凍梨自分歲寒亭畔老艱辛獨夜祖生雞

壽斯逸六十

三年約聚總迷茫耆艾相乘各老蒼歷盡風霜空病
骨耐持雨晦息微陽美人心在寧遲暮多難躬嘗贖
晚香鬱鬱翠微金石在寒松端爲傲滄桑

丁巳二月十日大風雪次錫晉齋主人韻

年來苦逐虞淵日卜取嶠夷作安宅窮陰日祝好春
來那使春寒視猶昔陣雲屯空風作戰海天醮碎玻
瓈碧瑟縮樓頭悞雨聲蕭騷市上疏行迹我原霧隱

老風霜卅九韶光空過客不言化國春秋長可更耐
冬長病國矯首東皇歸幾時清寒不爲冰蟲惜所嗟
陰陽信愆伏天道錯亂亦領篋持旄且幸餐有瓊高
卧撥置家無壁東風解凍暝消易置酒儻宜室虛白

中秋對月次錫晉齋韻

一年今夜庾公樓幻影河山亂醉眸得照天心原有
日再賒期望已深秋庭陰露重控寒島曲盡星稀靜
斗牛千古嫦娥靈藥悞霓裳賸聽按涼州

題方六吉梅雪草廬圖

六吉粵賈工金石善山水者

連年萍逐海東北物態霧花與雲葉君方市隱困鹽

魚神清物表冰壺魄金石刻劃窺冰斯畫絕乃有虎
頭癡羅浮家在歸未得山水圖爲卧游資老坡笠屐
一披晤更著放翁梅萬樹何用巢由別買山孤山祇
合攜君住君清冷與梅花同畫者傳之工未工寒香
幽沁漢書入風雪蕩洗緇塵空頗疑晏嬰宅近市喧
寂得無冰炭似抑將自穢逃於商門雖如市心如水
回頭却燒亘南天盲風怪雨飄羣妍故國花事且無
恙未應雪海愁餐瓊清淨身還乾淨土歲寒却稱梅
爲友鐵石心從煨鍊見移文敢託招海賈

題青島藏書樓

海濱遺老集金成之尉氏
希聖實首創而綱領焉

萬里車書混五洲。中原文物轉沈浮。看來陵谷幽居
幻一疏。千金海外收。

孔壁秦灰講肆新。周生祖謝响然臻。挾書有律難波
及。借隱銅山石室身。

曩易西傳景教東。譯鞮漸被本潛通。百年禮樂興遼
海。薪火心期企管公。

泚泚滄塵淨土俱。微聞絃誦魯諸儒。石渠搜輯何年
事。數到瑯環劫已枯。

和張叔威部郎

世亂家浮西復東。夢回孤嘯海天鴻。捲將憂樂歸花

鳥啖福酸醜事非菘引睡要餘書味在逃禪不放酒
杯空秦椎未擊慚爲客島有田橫已自雄

南皮張二烈女

誤字妓家
不從而死

世人重利輕廉恥老抱貧門亦灰死烈女所遇雖此
儻一笑千金轉頭耳胡爲一忿雙捐軀鵲則未抵空
彈珠已傷薄命同根葉玉樹翻令塵土俱天風吹折
冬青樹勁植每與狂飈遇弱草輕塵信此生蓮花不
受淤泥汗方今大道廣太邱女子古稱人盡夫媒來
嬌銜苦不得與命相仇毋乃愚要知意氣傾人命妾
婦猶能順其正麗姬泣悔誠靡常息媯不言亦足病

太虛還我清淨身身殲慷慨氣猶存是非千古爭一
息落花休笑墜樓人趙家姊妹楊家女光采猶能禍
門戶况令糞壤葬芝菌豈有鷓鴣甘腐鼠蓼蟲食苦
不言難體膚尺寸親心肝死生失節事小大皎月炯
炯靈山寒乾坤理息天昏晝爭倚市門卑刺繡鬱蟠
浩氣終有歸巾幗中有鬚眉秀生不作人錢樹子死
不著人分香履芳魂好配水仙花薦取江離歌管煒
次韻酬薛淑周
一事無能與世酬研枯休說寸田秋療貧浪費韓康
藥老病疏狂且未瘳

便假醫靈五百春爲生須仗汞燒銀千秋輸與名山
業壽世功先得壽身

次黃槐瘦太守韻

同爲海水識天寒苦意丁寧腹尺寬百慮易空還後
恤欲拋心計問遺安

舟楫何年起謝安鼓吹蛙蠅半頤乾臨風灑淚都無
語癡願殘書兩未完

青州游別淑周諸友

飄然萍絮復苔岑荼薺終懸異畝心貧賤江湖餘結
習炎涼人世幾知音老來惜別仍千里小作追歡此

寸陰把卷對花賒後約暮雲三徑兩停琴

偶成

昏昏世局如長夜耿耿人心憶舊君天上豈無老名士人間空有故將軍

和黃伯騫紅葉

長亭尊酒暮雲沈蕭瑟鱸江客思深望斷空花春夢劫悞翻枯草燒痕侵便承雨露身將老飽歷風霜力豈禁熱血滿腔無地著御溝流水咽殘吟

桃源一抹古煙霞丹橘江南且漫誇冷雨淚痕餘杜宇殘陽疏影入寒鴉童顏小駐離亭酒春色終回上

苑花劫火未枯生意在西風留得幾芳華

千峯茶火陣雲平暮景桑榆總不驚青紫眼前傷老
日丹黃心事足餘生憑將冷艷消花妬太促韶華薄
槿榮罷倚秋風怨搖落晚霞祇傍赤城明

榭暉桐雨幻晴陰未信胭脂井遂沈總爲東皇留紫
氣獨憑西日照丹心護持末路修容好妝點荒寒著
色深暫傍青山放船去楓宸回首絳雲森

羣雞哺子畫幃爲陳初明題

蕭蕭風雨夜何其可有聞聲曉了時姑作眼前孫子
計世間何物是雄雌

草堂春曉日三竿一枕華胥夢正酣誰遣雞聲催起
舞輪君披被卧江南

臍膊雄聲愧不如卧占旭日出桃都昂藏空說羣中
鶴爭得雞蟲一啄無

養到木雞聞紀洵遽然化蝶悟莊周君家早占華山
睡莫向邯鄲借枕頭

再題潛樓讀書圖

滄海桑田事杳如永和贖擁百城書眼中潛躍原難
問靜證貞元卜卷舒

借席春明歲幾更六經容直管書生還君百尺樓頭

卧東海波昏且待清

酬陳楷亭少宰

海天泥絮聚川鴻一見鸞停主簿峯千里心同松抱
節七年病苦艾無功空拳深負尊前筑焦尾相憐爨
下桐齧盡雪瓊終自壯人間猶有語冰蟲

送察罕帥度隴

孤持君國此生輕涉嶮支離靜不驚安得九邊風萬
里一時齊壯玉關聲

度隴吟題後

纔下東瀛萬里舟敝貂風雪又涼州可憐羌笛春難

度贏得啼鵑淚未收

壽陳太傅

荒江一卧望春廬
景曜重扶化日熙
大老早收天下望
後凋齊讓歲寒枝
縱橫豺虎當關日
辛苦夔龍待漏時
珍重黃花杯酒意
惟懷槎海詠歸期

四朝元老此黃幡
朝倚經帷夜枕戈
早證天心宏奠濟
隱占明德晉熙和
百年象服河山共
再閏羲輪日月多
蒼赤孤寒齊稽首
卿雲應笑紫芝歌

島上送眷南歸

萬里間關共苦辛
妻孥以外孰加親
極知別汝成孤

寄轉羨行僧得靜因拙計總緣貧賤累殘生猶是亂
離身百圖安聚終無策各自淒然淚掩巾

卽席賦

裘帶從容說劍風建牙雄鎮海雲東已占第一蓬萊
勝又報丹書紀上功

休向中山借酒杯清香畫戟且追陪醪醕早醉周公
瑾那用將軍揖客來

贈安倍貞

浮海幽栖歷歲時欵關剝啄見雄姿壯君心腹干城
寄動我泚泚思鼓鼙

題潛樓諸友攝影

一刹宮槐夢新亭淚未終危生餘逸鳥幻影聚飛鴻
風雨幾人共天涯孤緒通善持身有待滄海尙羣公

題何仲起廉訪小像

獬冠乍指黑頭公一瞥衰顏攬鏡中榮悴偶然成我
相霜姿老見後凋松

瓜削壺肥兩未如春風面面氣和舒本來不具山林
臉怪讀先生却聘書

岫雲舒卷動隨天伯玉方當卅九年一枕公侯梁夢
過舟中郭李尙如仙

海天雲思雁歸遲短鬢重逢更幾絲一握莫辭開口
笑清夷和惠兩吾師

題黃槐瘦小像

短鬢驚頭閱世新松姿颯爽歲寒身共傳馬座髯如
戟拂面春風老更親

迢遞年光六一過縹緗世業足摩挲未宜太守清貧
甚畢竟豐腴福相多

戊午中秋飲張叔威宅

秋光漸與歲華新海上天涯客感侵還有多情圓際
月玉壺清冷鑑冰心

萬里光華復旦疑回頭三五感盈虧等閑便與尋常
別得照天心信有時

雙貞詞

貞心不死死何傷
燐火能爭日月光
難弟難兄在中
懶聲聞惟有女兒香

載歌穠矣詠桃華
之子宜人悞有家
怪底東風欠公道
連番吹折女兒花

好花豈肯落風塵
太息沈寃竟莫伸
臨難捐軀紓阿
母一門貞孝兩完人

不緣父命且偷生
一死端知有重輕
忍恥包羞玷門